



渭上續稿敘

仲不佞竊聞一二長者之教以


為今時之不能為文章者輒曰

士上立德雕虫小技丈夫不為

也稍號為立言者不過拾伊洛

餘唾敷演其旨濫漫其辭糟粕

陳語以自掩其孤陋曰道在是





矣焉用文之其彌卓犖雄執苑  
者非不豪傑自命則又擴摠子  
史割裂文義模擬字句之竒放  
患聲音之似辟則剪彩為花都  
無生氣一切耳食之徒甘為執  
鞭甚至取先輩著作而妄為雌  
黃嗟呼文章之道于今裂矣仲

椎魯不嫻于文辭東髮執經伯  
父傍得覩所為渭上稿而讀之  
旣以薄宦客長安者先後數季  
異嘗養痾歸里季兄子興氏出  
渭上續稿以視仲竊得而縱觀  
之大都詩本性情故醅厚爾雅  
辭當于境而聲調于耳外足于



象而內足于意于法時有縱舍  
然不為法外語固泱泱乎風人  
之致矣文根極理道取材甚廣  
而簡于結撰文不至減質以掩  
情實不至掩華以累氣諄切于  
君親故舊之誼而疊疊于經學  
政術之徵蔚然成一家之言云

蓋伯父夙縕竒氣少從彖王父  
瑞泉公于越負笈王文成之門  
得從事于性命之學盤礴經史  
冥悟真詮又所宦遊燕趙蜀楚  
與夫齊魯白下之地諸名山大  
川民風國俗得以身歷而目遇  
焉益足以恢宏其曾次而發揮



其性靈故其詩若文淵然之光  
蒼然之調若扣金石而中宮諧  
商有得于山川之助合弘正先  
輩之軌焉子興兄譚執偶及稍  
稍為言之如此子興兄曰以子  
論說謂當于伯父之旨余不敢  
知然異乎厭家膳而海錯野鷺

之是好者即以子言弁續稿也  
可乎仲三辭不可敢不唯命  
萬曆癸巳端陽日姪企仲百拜  
謹撰



渭上續稿目錄

第一卷

五言古詩

贈文學蕭子晉遷巴西郡博

讀謫仙古風有懷寄陳于韶

第二卷

七言古詩

冬日行送可齋張郡守入覲

鳳凰山行題文學楊子恩褒贈言冊

喜雨行爲際虞崔侯作



松山歌壽金母八十初度代作

壽懋菴馬長公八十長歌

上元爲予誕辰館甥楊女若寄壽星杯

至喜爲長歌寄荅時女若令閨中

遠期篇寄李男師仲檢討

### 第三卷

#### 五言律詩

穗日飲姜山人

送季子師仲偕館甥楊光訓赴試南宮

二首

送侯生于魯秦生鄰晉郭生俊暨其弟

僑赴試南宮二首

穗夜邀寇山人過話得門字

山房獸啞有感

荅門人詹汝欽書却賦四首用寓遠懷

得門人俞文達書喜而有懷却寄四首

聞先大夫崇祀鄉賢悲喜縈懷因賦近

體十首紓永思焉

送岳二尹致仕歸雲中

喜晤曹魯玉二首



送賈魯玉赴雲中別駕二首

解衣贈姚山人

送秦汝睦赴京

送司訓何進卿赴營山諭二首

送德嚴崔明府入覲二首

春日山房述懷十首

聞館甥楊女若選為侍御志喜二首

晤還樸張憲使二首

夏日村居酌王長卿逸士四首

暑夜酌王長卿分韻得真字二首

贈邑侯華中郭公攷績受封四首

### 第四卷

#### 七言律詩

送左大夏伯僉憲蜀中二首

夏日同諸生飲門人陳子獻村居

將軍樹有序

秋日東園酌寇巨源

和文學蕭子謝予贈蓮詩用韻

送益孫同諸門人赴試四首

壽薛二時化七十八歲初度二首



崔明府覲回過話山房二首

午日崔明府邀薛二憲使過話山房

和答穆敬甫寄詩扇二首

送館甥楊文若赴京謁除二首

德嚴崔明府三載奏最考功穆敬甫寓

二律為賀余覽而和之聊紓喜懷兼

似正焉

春日崔明府過山房小集適青衣來自

漆園因懷穆考功

春日同姚山人登眺泰寧宮二首

聞從子企仲移官銓部寓書志喜

聞益孫鄉試登第喜而口占

山房即事示兒孫四首

送鳳岡張公擢楚臬憲使二首

喜雪二首贈華中郭明府

喜晤鳳岡張憲使

八十初度

種竹

送門人史義伯赴京

考功侄企仲以扶持歸即單車赴省賦



此言別兼寄李男師仲吉士二首  
送從孫居業赴試二首

第五卷

五言排律

送陳生大廷赴試南宮兼寄賈生璵八韻

賀郡伯郭公考績五言近體三十韻

五言絕句

送益孫赴試長安四首

第六卷

七言絕句

登眺泰寧宮懷古

山居獲讀寇山人詩頌之山人過訪喜

而述懷二首

雨中有感遺從子司馬郎企仲四首

送李男師仲赴試南宮十首

寄李男師仲進士二首

寄李男師仲吉士二首

春日獨坐感懷

第七卷



記

重修靈應井記

渭上南氏先祠記

新置演武場記

渭陽舊趾記

第八卷

序

頻陽四先生集序

賀張母趙太孺人榮受勅封序

賀郡伯可齋張公首受臺旌敘

刻少陵純音序

擬鹽政條例序

贈西京司理慕劬張公權地官郎序

贈邑侯際虞崔公兩膺臺獎序

甘霖應禱詩序

送際虞崔侯入覲便歸省親序

贈際虞崔侯入覲序

崔侯兩試卷序

續渭南縣志序

刻諸家儔語序



備體秦帖序

賀崔母楊太孺人六十榮封序

贈高陵尹魯軒彭公兩膺首薦序

送邑侯際虞崔公應 召北上序

續逍遙園集序

賀仁菴謝公配李孺人拜 恩序

賀邑侯華中郭公兩膺臺旌敘

賀邑侯華中郭公考最榮膺 褒典敘

訂正通鑑前編序

第九卷

書

答督學許敬菴

答都撫趙公

與門人田若彭

與張首岑

與門人俞文達

與門人詹汝欽

與周槐村

答陳陸亭憲使

與姜養充督學



答制府確菴魏公

答制府確菴魏公

奉相公東野先生

與劉泗洲中丞

答許敬菴司馬

與河汀王年丈

與思白董翰編

與霍林湯翰編

答中丞春容賈公

第十卷

墓志

明故中橋秦公墓志銘

明贈文林郎直隸盧龍令北作武公暨

配封太孺人王氏合葬墓志銘

明處士馬靜甫墓志銘

明德壽武翁墓志銘

明贈文林郎楊次公暨配贈孺人張氏

合葬墓志銘

第十一卷

祭文



祠堂成告祖禰文

祭封君楊沃田文

祭南嵐劉年兄文

渭上續稿目錄終

渭上續稿卷之一

關中南軒叔後甫著

五言古詩

贈文學蕭子晉遷巴南郡博

盛世崇文治敷化右菁莪余昔從蜀憲遴才事  
旁羅之子昌城俊茂名並大城譚道追前古  
藻瀉洪河觀光試廣文聲震金泉阿載擢渭城  
諭化雨發春葩操持疑百鍊規條揔四科  
門墻下郁郁鼓雲和時向豐山麓訪舊倚松蘿  
抵掌睨塵世相觀詠伐柯悠悠三載間迭唱起



沉疴忽漫遷喬去文星映閣波朝發新豐道  
唱擁行軻絳紗還氣色其如別思何君子貴仕  
道安土任行窩所志須遠期胡可自蹉跎况彼  
屏山裏貞石良堪磨作人應有暇登臨賦自多  
嘉陵足雙鯉遙望春鴈過

讀謫仙古風有懷寄陳于韶

謫仙惜大雅忼慨發長吟寥寥千載後此意竟  
誰陳 昭代開皇運稽古闡人文漸至弘正間  
作者日彬彬北地操赤幟信陽握清芬王邊為  
羽翼康薛鼓雲門新都洎扈谷擊節播徽音登

壇皆有道正聲震海濱如何嘉隆來岐徑日焚  
焚華下崛然起袂袂與為宥相觀步往哲云寫  
少陵神郁郁七才子睨世倒詞源嗟彼效颦者  
枝言旬士林勾玄競崎嶇探鬱失性真周行委  
蔓草淳風日見湮孰與起頽波鏘鏘裨化元於  
維巴西子弱冠抱竒珍通籍隸西曹曠達拂秋  
旻所志在回瀾揮翰奏陽春事業標中外歸棲  
閨水濱蒼生久縣望東山卧白雲余乃雕虫子  
論交得方聞斷金卅載前今為參與辰錦屏香  
天外同心若比鄰新詩來尺素渭北憶垂綸高



渭上續稿卷之一  
山振絕響下里空主臣願君執牛耳尋盟洗器  
塵

渭上續稿卷之一

渭上續稿卷之二

關中南軒叔後甫著

七言古詩

冬日行送可齋張郡守入覲

冬日滿秦川晶暉彌天際天擁蓮峯開儵忽停  
雲霧此時華下唱驪歌日動旌麾氣色多刺史  
排雲遙上計山人持贈意如何意如何獸延竚  
斗邊自有黃金臺日下重瞻王會紀 聖明宵  
旰重民牧知君應曳星辰履君不見 國朝故  
實 覲成時群辟踟踟得 陞辭 天語嘗聞



洛隱瘼循良益自被 恩私又不見左輔由來  
稱繁劇使車相望疲供役况兼旱電兩為灾閭  
閻縣罄日愬愬我欲上書無飛羽行人聞之心  
徒苦君今既得謁彤庭願陳便事慰 明主吁  
嗟 殿陛肅以森中褻民隱難具陳冢宰時聞  
勤吐握疏對還瀕徹 紫宸九天浩蕩多雨露  
履端轉見陽春布仍憐父老借冠恂母使喁喁  
歌來暮

鳳凰山行題文學楊子恩褒贈言冊

鳳凰山樹鬱蒼蒼中有鳳凰唳瑤霜雄飛雌鳴

何鏘鏘雙雛毓秀麗朝陽丹穴噍噍刷羽章琅  
玕為食醴為漿朝夕坐看彩翮長翩翩凌漢如  
龍驥八月秋高桂子香啣圖繼獻紫雲房長臨  
璧水桃李芳 恩賄朱鳳酬義方次擁臯席渭  
河傍舒毫振彩爛青絳 冊書飛下白玉堂獅  
山龍洞並生光江東渭北遙相望揚威儀世耀  
家邦行人聞之籍稱揚竚見雙雛巢巖廊朱鳳  
優游在高岡斑衣晝錦永相將我為登歌叶宮  
商千秋時侑紫霞觴

喜雨行為際虞崔侯作



渭山集 卷二  
聖主御天覆寰宇時見其霖沃率土如何柔兆  
強圉來三輔恒暘民獨苦 九重宵旰軫民咨  
側身日誦雲漢詩欲宣德意蘇民瘼為遴賢令  
寄攸司於維我侯才且賢戴星嚙命渭河灣渭  
北渭南皆赤子鳴琴操割如烹鮮省耕喜見雨  
隨車播種其如杼軸虛理賑不知憐貌瘦紆謨  
亟上常平書困敦朱明麥已秀無那驕陽愆雨  
候我侯力疾躬虔禱會有商羊舞白晝豐隆觸  
石輔玄冥河伯乘龍應畢星澍雨終宵不破塊  
朝來生意滿郊坰佇看麥秋大有穫疲黎不復

委溝壑流移從此蟻附歸四野歡聲騰墟落老  
人含笑話南畝穉子持漿解趨走况值明府緩  
追呼村中且酌豐年酒君不見齊晏子匡君暴  
野雨瀰瀰又不見漢袁安理冤活命雨潺潺甘  
雨由來隨惠流何事土龍與石牛慈君仁父千  
年頌於維我侯獨與儔

松山歌壽金母八十初度代作

天垂箕宿映高陽地擁名山凌顛蒼上有萬松  
韻清籟下有二川湧洗洋山峙川洄雄宇宙此  
中孕靈誰獨秀於維金母夙降神禎符鶴夢光



華胄四德嶷嶷閑閨婦道母儀揔式穀有德  
由來貴且壽仙籌鸞誥相輝焯時維小春迎瑞  
日八旬初度祉澤澤有子鳴琴蒲邑中板輿歸  
倚松山霽松山蒲邑遙相望錦衣斑爛增惆悵  
故把霞觴遙獻祝停雲如在金粟上壽域迴開  
松山隅桂蘭羅列意于于共瞻青鳥自西來為  
言持上王母圖我亦思母漆園側日日瞻雲歸  
未得胡能與爾雙飛鳥共向萱堂賦南極

壽懋菴馬長公八十長歌

翩翩青雲客手持華箋冊馳從洛水濱訪我渭

上陌為言大父懋菴翁年躋八十童顏赤壽域  
正當涂月開願旬長歌光綺席阿翁有弟陟三  
台我昔玉除附驥來翁復有孫能式穀我亦有  
子同計偕夙習阿翁關內傑今看眉壽出塵埃  
白首相知怕相憶足音喜到豐山隈憶昔阿翁  
觀國光奕聲籍籍動巖廊胄師京倅聯鴛蓮冰  
壺霜月時相將穗風颺颺興尊思歸來種菊沙  
苑旁沙苑之旁只舊居一經垂訓日舒徐膝下  
鳳雛紛振翻蘭芽復爾羅庭除錦衣彩服還相  
麗笑擁阿翁意何如意何如怕樂只天樂自足



江一經和 卷二 四  
駐黃庭霞舉那須鳩杖倚時來壠上話桑麻颺  
颺疑是赤松子黃童白叟競追趨喧言人在春  
風裏君不見太華峯壁立千仞竦芙蓉天園左  
輔含靈秀紫吃煌煌巨碧空又不見洪河流遙  
來洄抱九龍湫八水會同澆砥柱瑞靄葱葱日  
夜浮於異乎竒且悠哉阿翁初度際升辰共瞻  
河岳并長春東海桑田今幾度仙籌鶴馭聿續  
紛我亦渭上垂綸者年踰七十媿無聞瞻言仙  
里天根爛漫把管城賦大椿

上元為予誕辰館甥揚汝若寄壽星杯至

喜為長歌寄荅時汝若令閩中

山居逢初度春風拂草廬蓬戶原羅雀忽停賢  
者車子孫開筵為我壽彩服褊褊爭奔走燕爾  
嘉賓紛獻酬共對南山忻競秀會有遠方使手  
持壽星杯長跪向我前云自閩中來閩中西去  
三千里白雲日日縣桑梓故將壽星為予祝彷彿  
祥光繞庭祀歡聲傾座酌新釀驚看壽星來  
天上共羨館甥誼凌雲錦屏華嶽遙相望翻思  
縣孤日歲歲值上元皓魄暉長夜火樹映清尊  
嗟彼白駒迅如駛俯仰乾坤靡所似撫景悠悠



儵老大潦倒銜杯徒爾爾君不見魯先師七十  
從心矩不侈胡我七十有七歲願學無能補昔  
非又不見衛武公年逾九十猶省躬予竊生平  
誦懿戒而今幾耄尚倥矐矐爾翩翩傑筮仕涖  
琴堂政成獨報最飛鳥上巖廊巖廊端簡司耳  
目還須抗疏貽民福予時習靜葆餘年念爾臯  
夔步芳躅步芳躅在致身彼時直北亦有鴻鴈  
過渭津應憶山中婆娑老獨把壽星醉醪醇

遠期篇寄兒師仲檢討

有客遙從轂下來是音忽到碧山隈爲言 明

主崇育僑僊館特向玉堂開玉堂吉士從從入  
書披中祕脫凡胎特 簡名師肅懿訓更 敕  
閣試選龍媒大官供膳 恩私渥珍重不數黃  
金臺而今已越三秋節元老告成清廟材湛露  
溶溶覆 丹陛 綸詔煌煌映上台應 詔金  
門日內史分授秩司文登祕府揮豪向仙室詎  
緣左思賦良爲董弧筆吾兒素推魯何能爲儔  
匹拊膺知任重懷 恩思委質試看男兒初誕  
辰桑弧蓬矢掛房樞天地四方皆戎事幼學壯  
行貴立身憶爾總角能鼓篋即知遜志探聖真



弱冠計偕觀上國幾回渭北歎涸鱗鯤化蛟騰  
俱有待風雲會至薄高旻丈夫用世須及時莫  
但悠悠逐世塵校書鳳皇池博綜今與古睥睨  
雕蟲流涕與古人伍堯舜君與民始不負期許  
非不量雛鷺誓奮圖南羽家世原不羨輕肥富  
貴浮雲天際飛莫以功名堪傲世此心唯是答  
皇闈我亦讀書中秘者出司主爵傍 紫薇賦  
性由來甘骯髒秉正題才與世違而今淹蹇三  
逕裏遙瞻 魏闕日依依媿我老年無裨世幸  
爾通籍在北扉緬惟昔賢歎路難謂在人情反

覆間自古世情常如此丈夫還應縱大觀遲速  
升沈信有命直道如絃亦自安爾不見周廟器  
歆滿恒爲人所忌哀多自是撝謙訣澹漠何嫌  
與俗異又不見上苑蒼正好往往幾多時唯有  
明堂松與栢貞心萬古恒不移願爾貞心松栢  
同願爾持盈歆器中曉看燕塞浮雲歛諫獵書  
成 玉殿東

於戲遠期篇乃先大夫絕筆作也徃仲解  
館信至先大夫篝燈伸紙滾滾五百餘言  
將馳以勗仲詩成漏二下命先慈酌酒酣



歌就榻而逝於戲先大夫固亡恙豈以伸  
一官足瞑目邪痛矣痛矣稿藏遺篋數易  
歲華緣手不忍披日不忍睹卽嚴訓在念  
而殺青未遑倘就淪湮則不孝之辜益莫  
贖矣遂含痛謹錄一過編付稿中傳焉於  
戲仲自先大夫見背以來十年著作之庭  
愧惰椎魯尚屬面墻今顛毛種種篇中規  
勉期冀竊恐竟付東流已矣第楮墨猶新  
誨迪儼若讀之淚簌簌下矣安忍言哉安  
忍言哉萬曆丙午中秋日不肖男師仲百

拜謹識于從先堂



渭上續稿卷之二

渭上續稿卷之三

關中南軒叔後甫著

五言律詩

種日飲姜山人寓

老來饒野興訪舊到南廬萬木鳴清籟千巖列  
畫圖彈劍心猶壯開尊興不孤相看憐白髮羨  
爾著潛夫

送季子師仲偕館甥楊光訓赴試南宮二  
首

老去偏憐別幽居默愴神如何骨肉遠當此歲



寒晨百緒一尊酒千金萬里身願言唯自愛好  
探上林春

其二

館甥元駿骨季子有逸才竚見昂霄去會逢文  
運開爭持白雪賦競上黃金臺為贈雙龍劍輝  
輝傍斗台

送侯生于魯秦生鄰晉郭生俊暨其弟僑

赴試南宮二首

白首媿無聞傳經每夜分文昌臨華嶽諸子盡  
青雲仗劍歌還壯銜盃日已曛乘時應振翮莫

但惜離群

其二

偕計羨諸生駢駢赴 帝京十年同負笈此日並  
掄英上苑風初煦中天衡正平山居無所事千  
里聽雷鳴

穗夜邀寇山人過話得門字

有美南州士翩翩此駐轅文星低漢時玉露滿  
豐原彈缺風回斗看花月到門酒酣天欲曙幽  
抱更誰論

山房默坐有感



清江雜錄 卷三  
老來何所事秋去更堪憐親友無同輩冠裳盡  
少年清尊誰共酌黃鵠自橫天莫訝門羅雀交  
情昔已然

答門人詹汝欽書却賦四首用寓遠懷

白下與君別時從麋鹿群終南無去鴈直北有  
停雲春色來天際楚音入澗沅開緘如晤語高  
誼出塵氛

其二

憶昔遷留署秋闈會籲賢群英紛入彀一鶚勁  
翀天北闕批鱗日南山隱豹年誰知渭上叟飛

思獨翩翩

其三

明王旌直詔遙向碧溪開環賜仍簪筆登庸揔  
憲臺霜簡輝三獨鷹風震八垓山中無所贈唯  
有數枝梅

其四

廿載懷知已千山阻舊遊當年羅俊意此日濟  
川謨 聖主咨偏切蒼生願可酬喜來頻北望  
瑞靄斗間浮

得門人俞文達書喜而有懷却寄四首



清江雜錄 卷三 三  
慨自江東別悠悠二十春浮漚慙宦跡垂釣任  
天真歲月幾殘衰乾坤一病身回思霄漢友獨  
爾尺書頻

其二

相知憐海內懷舊羨龍駒氣浩蒼旻濶才標軌  
轍殊高山驚絕調脩翮自亨衢諒爾達觀者風  
塵守故吾

其三

投牒初通籍分章見爾賢錦衣經梓里鳧鳥向  
江天惠自恫瘝布威從彊禦宣政成應奏最芳

譽聳孤騫

其四

國計先民部含香獨爾優寰中多隱瘼法外足  
良籌報 主冰霜節匡時經濟猷山人時企望  
不為覓封侯

聞先大夫崇祀鄉賢悲喜縈懷因賦近體  
十首紓永思焉

昭代崇文化風從祀典宣鄉評月旦著國是法  
星縣論定闔棺後名稱沒世前春秋時對越粥  
粥景先賢



其二

世父稽山守先君飭代兵二難皆甲第雙鳳並  
文名歷仕秋霜節歸耕谷口情苾芬歆共列陟  
降識生平

其三

正學宗先聖直躬迪後人門墻開象麓桃李拂  
蒼旻力撼狂瀾瀄風披大道榛二南名宇宙三  
輔仰陶甄

其四

慨昔三川震渭城圯更尤群兇紛肆掠暴骨漫

無收不有匡時畧孰紓捍患籌於維我顯考戡  
亂息民揶

其五

周急先考素况當地圾餘孑遺憐待哺蓬茨苦  
無居折券千金弃捐儲萬室噓弘施全渭上報  
答豈應踈

其六

還帶憐非罪却金畏四知何如寄者卒聞爾獨  
知時封識依然在毫釐靡所私明明禪廟後崇  
祀共稱宜



其七

花萼輝同氣，螽斯喜共樞。友于懷伯氏，報德撫諸孤。三世情仍劇，百年義不渝。和風煦渭上，習習起顏夫。

其八

生平脩姱易，歿世追思難。况乃聯棠棣，儼然列杏壇。香煙浮俎豆，英氣走衣冠。儀範千秋在，風清太華端。

其九

齷齪先師廟，宮牆拂紫雲。千年私淑後，曠世夕

牲分祭法，崇功德典章。錄令聞秋空，團灑氣肅肅。肅挹高君。

其十

明祀從殷仲，神揄尚吉蠲。賢侯崇有道，高誼遠無前。湛露沾清廟，文星爛渭川。觀儀奔子姓，追慕轉悽然。

送岳二尹致仕歸雲中

花綬佐鳴琴，休休遺愛深。如何卧轍日，忽動掛冠心。蟬噪繁長路，鴻飛返故岑。蕭條看珮劍，別後有餘音。



清江雜錄 卷三 六  
喜晤賈魯王二首

夙忝一日長高譚多起予如何幾載別暫晤碧  
山居風塵憐契濶天地嘆籟廬遲日荒園榻渾  
同鼓瑟初

其二

鎮日看羅雀長吟坐翠微門墻逢賈誼顛倒賦  
緇衣紫燕當階舞妍花挹露菲呼童漉濁酒清  
賞自依依

送賈魯王赴雲中別駕二首

羨爾鳴琴日獨持絕代絃題輿綠驥足秉節自

鵬騫忽唱渭城曲仍看祖狄鞭相思易水北鴻  
雁日翩翩

其二

之子雲中去單車掛錦弢請纓元矢志發軔豈  
辭勞直北頻傳燧寰中已竭膏封侯男子事遮  
莫惜秋毫

解衣贈姚山人

招隱逢初夏開尊傍釣臺如何梅雨後不見凱  
風來燒燭蒼煙合飛觴赤氣迴纖絺聊爾贈長  
嘯步天台



送秦汝睦赴京

話濶憐無幾離筵復愴神獨慙衣鉢舊共羨板  
輿新遲日暉長路薰風入帝閭壯遊須遠到  
切莫憶秋尊

送司訓何進卿赴營山諭二首

余昔掄多士知君負駿才如何廿載後而始服  
官來譚舊襟期壯傳經士習回無那河畔柳話  
別共悠哉

其二

送君千里去空谷憶鶯鳴匹馬連雲度寒氈曲

匯縈冰霜還自淬歲月有先程莫謂官仍薄春  
風桃李榮

送德嚴崔明府入覲二首

九天開泰日萬國試功時野雉馴花甸仙鳧向  
玉墀星低豐嶺樹雲繞大河湄躋望鷹風振依  
棠且賦詩

其二

獨慕兩朝京翩翩卓異行關河增氣色閭里自  
絃聲紫極瞻宸近黃扉待漏清知君饒諫草昕  
夕達延英



春日山房述懷十首

開墅豐原麓躬耕問老農  
雨零二麥秀風細百花濃  
白屋空縣榻青山獨杖筇  
興來唯漉酒潦倒一生慵

其二

極目春城外煙霞拂曙開  
幽棲方漫叟睨世媿  
仙才歸鴈天邊去狎鷗  
海上來光風隨處足疴  
抱日悠哉

其三

池湧甘泉冽溶溶春草涯  
假山方砥柱迴艇擬

仙槎三徑麋為侶百年酒是家  
何須勾漏令垂白問丹砂

其四

歲籥驚頻易衰齡喜早春  
回思橫鶚志竟作墮  
鳶身抱甕存生計考槃  
憶達人何為澤畔子千  
載痛沉淪

其五

山明宿雨後花發解冰時  
鶴唳青天濶鶯鳴白日遲  
耕耽谷口節釣羨富春  
絲恠彼書空者何緣咄咄為



其六

煦日上荆扉天光滿翠微捲簾千嶂入回首五  
雲飛歲月懷恩切江湖與世違老來猶骯髒  
空谷足應稀

其七

徙倚孤亭內空梁返照縣抱疴無俗務遣興有  
春天栖鳥喧長薄遊人歸故廬山頭明月上幽  
興益脩然

其八

夙有東山興忻逢小謝過蒼精鳴舊匣綠蟻泛

新波長嘯川原暮高談意氣多酒闌猶秉燭忘  
却夜如何

其九

撫景憐春暮觀瀾惜寸陰趨庭遵孔訓鼓瑟憶  
曾音燕翼肯堂在蘭芽映日森一經無長物共  
淬百年心

其十

鎮日空山裏尋春興未央雲浮蓮嶽迴煙遶渭  
川長荏苒春將盡英蕤花競芳為邀同社友投  
轄罄餘觴



聞館甥楊汝若選為侍御志喜二首

列宿暉巴蜀法星拱太微徵書三殿下

仙鳥五雲飛臺栢凌霄漢霜稜肅帝畿豺狼

應避道驄馬日駢駢

其二

羨爾持天憲鷹風凜漢儀珂鳴金闕曉鵲立

玉階時慷慨澄清志殷勤獻納思寰中多隱瘼

母使諫書遲

晤還樸張憲使二首

法星臨渭涘問舊到山隈看劔憐塵跡依棠話

夙懷漏下中秋夜尊傾北海醅明朝千里別遙望凱歌回

其二

君抱匡時畧翩翩儼鳳翔如何十載後而始鎮遐方行色衝牛斗先聲懾虎狼縣知河朔靜紀績在旂常

夏日村居酌王長卿逸士四首

磊落吳中彥翩翩越世塵逍遙尋五岳慷慨訪

三秦字法鍾王古詩傳李杜神疑音來谷口長

嘯倚松筠



蓬戶恒羅雀山居遍綠苔誰知棲隱處能致子  
猷來日永渾忘暑夜闌更舉杯月光晴到榻抵  
掌共徘徊

其三

邂逅憐王粲臨流共濯纓雲停蓮岳迴露滴草  
堂清村酒田家樂園蔬野老情漫譚高士傳儵  
忽已晨星

其四

羨爾襟期壯遨遊涓水干高譚空北冀雅誼肅

南冠雨過孤村靜風來五月寒聊扳十日飲報  
答媿琅玕

暑夜酌王長卿分韻得真字二首

兀坐臨清渭客來欲問津南薰披草徑北斗掛  
山振座擁千峯氣杯銜萬象真誰知塵世外空  
谷有比鄰

其二

耄年偏憚暑僻性喜延賓開閣雲停戶傾尊月  
近人劇譚追往哲狂嘯任天真愛爾耽幽興相  
將醉綠醇



贈邑侯華中郭公攷績受封四首

仙令匡時傑鳴琴試遠圖絃歌千載後褒典一時殊露沃桑麻茂風清狐鼠無循良追漢吏蚤見慰來蘇

其二

聖治推忠孝旌賢源所生蜀葵傾日志宰木望雲情奕世憐冠珮清時仰法程可知三柳下應勒古棠銘

其三

渭上稱繁劇烹鮮賴異才誰知彫劫際能借宓

君來濊澤流西岳絲綸出上台聲華元赫奕此日更崔嵬

其四

嗟彼窮簷下綏來幸有君懷恩均赤子遺愛永清芬驥足空三輔鵬鶩薄五雲按圖應有詔海宇自同欣



渭上續稿卷之三



